





# 焦氏易林

大業堂刊

## 周易變卦序

大凡變化象數莫逃乎易惟人之情偽最為難知筮者尚占憂者與處貢明且哲乃留其術俞巖耕東鄙目前因蒙客有枉駕蓬廬以焦辭數軸出示俞嘗讀班史列傳及歷代名臣譜系諸家襍說之文盛稱自夫子授易於商瞿僅餘十輩延壽經傳於孟喜固是同時當西漢元成之間凌夷厥政先生或出或處輒以易道上干梁王遂為郡察舉詔補小黃令而邑中隱伏之事皆預知其情得以寵異蒙遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齊潔精專舉無不中而言近意遠易識難詳不可瀆蒙以為辭費後之好事知君行者則子雲之書為不朽矣昔聖唐會昌景虞歲周正主白靈越之雲溪漢王俞序

校定焦貢易林序

承議郎行秘書省校書郎臣黃伯思所校焦延壽易林中或字誤以快為快以羊為手以喜為嘉以鶴為鵠義可兩存焦延壽者名貢梁人以好學得幸梁王王供其資用令極意學既成為郡吏舉補小黃令但有盜先知盜遂無敢舉者考最當遷吏民上書乞留詔許增秩卒于小黃世人謂延壽之法凡筮得其卦則觀其所之卦林以占吉凶或卦爻不動則但觀本卦林辭爻本影有王似者於雍熙二年春遇異人筮得觀之賁林云東行無門西出華山道塞於難遊子為患之語最為有準後之觀者不可不辨延壽所著雖卜筮之書出於陰陽家流然當西漢中葉去三代未遠文辭雅淡頗有可觀覽謹錄上

雜識

東萊費直長翁曰六十四卦變占者王莽時建信天水焦延壽之所撰也夫易廣矣大矣以言乎遠則不禦以言乎邇則靜而正以言乎天地之間則備矣然易謂六十四卦也推而言之則繇說卦之所未盡故連山歸藏周易皆異詞而共卦雖三家並行猶舉一隅耳貢善於陰陽復造此以致易未見者其射存亡吉凶遇其事類則多中至於靡碎小事非其類則亦否矣貢之通達隱幾聖人之一隅也延壽獨得隱士之說

前漢書京房字君明治易事梁人焦延壽名貢貢貧賤好學得幸於梁王王供其資用令極意學既成為郡吏察舉補小黃令以伺候先知姦邪盜賊不得發爰養吏民化行縣中舉最當遷三老官屬上書願留貢有詔許增秩留卒於小黃貢嘗曰得我  
以亡身者京生也其說長於災變分六十四卦更直日用事以風

兩寒溫為候各有占驗房用之尤精

孟康曰分卦直日之法一爻主一日六十卦為三百六十日餘  
四卦震離兌坎為方內監司之官所以用震離坎兌者是二至  
二分用事之日又是四時各專主之氣各卦主一日其占法各  
以其日觀善惡

紀驗

沙隨程迥記驗

宣和末長慶福崔相公任州日其時晏清無事思此聖書虔誠  
自卜得大過卦云典冊法書藏在蘭臺雖遭亂潰獨不遇災之  
遯卦辭曰坐席未溫憂來扣門踰墻北走兵來我後脫於虎口  
其時卜後十日州亂崔相公踰墻而出家族不損無事歸京乃  
知此書賢人所製初雖難會後詳無不中節見者當所敬重黃

金自貴未能蒙於此書

紹興末完顏亮入寇時有人以焦贛易林筮遇解之天壯其辭  
曰驕胡火形造惡作凶無所能成遂自滅身其親切應驗如此  
雖天網淳風不能過也開闢以來惟亮可以當之延壽著書何  
以知後世有亮也其漢焦延壽傳易於孟喜行事見儒林傳中  
此其所著書也費直題其前曰六十四卦變又有唐王俞序所  
書每卦變六十四總四千九十六首皆為韻語與左氏傳載鳳  
凰于飛和鳴鏘鏘漢書所載大橫庚庚予為天王之語絕相類  
豈古之卜者有此等書耶

曆皇歲在昭陽大荒落辛卯皇極之日茂苑陸翀之飛卿校訂

繡谷周曰校應賢賢刊

筮儀

擇地潔處爲著室南戶置牀于室中央

牀大約長五尺廣三尺毋太近壁

著五十莖韜以纁帛貯以皂囊納之櫃中置于牀北

櫃以竹筒或堅木或布漆爲之圓徑三寸如著之長半爲底半爲蓋下別爲臺函之使不偃仆

設木格于櫃南居牀二分之北

格以橫木板爲之高一尺長竟牀當中爲兩大刻相距一尺大刻之西爲三小刻相距各五寸許下施橫足側立案上

置香爐一于格南香合一于爐南日炷香致敬將筮則洒掃拂拭滌硯一注水及筆一墨一黃漆板一于爐東東上筮者齊潔衣冠北面盥手焚香致敬

筮者北面見儀禮若使人筮則主人焚香畢少退北面立筮者進立於牀前少西南向受命主人直述所占之事筮者許諾主人右還西向立筮者右還北向立  
兩手奉橫蓋置于格南爐北出著于橫去囊解韜置于橫東合五十策兩手執之熏於爐上

此後所屬著策之數其說並見啓蒙

命之曰假爾泰筮有常假爾泰筮有常某官姓名今以其事云未知可不爰質所疑于神于靈吉凶得失悔吝憂虞惟爾有神尚明告之乃以右手取其一策反于橫中而以左右手中分四十九策置格之左右兩大刻

此第一營所謂分而為二以象兩者也

次以左手取左大刻之策執之而以右手取右大刻之一策

于左手之小指間

此第二營所謂掛一以象三者也

次以右手四揲左手之策

此第三營之半所謂揲之以四以象四時者也

次歸其所餘之策或一或二或三或四而揲之左手無名指間此第四營之半所謂歸奇於揲以象閏者也

次以右手反過揲之策於左大刻遂取右大刻之策執之而以左手四揲之

此第三營之半

次歸其所餘之策如前而揲之左手中指之間

此第四營之半所謂再揲以象再閏者也一變所餘之策左一則右必三左二則右亦二左三則右必一左四則右亦四

通掛一之策不五則九五以一其四而為奇九以兩其四而為偶奇者三而偶者一也

次以右手反過揲之策於右大刻而合左手一掛二扞之策置於格上第一小刻

以東為上後放此

是為一變再以兩手取左右大刻之著合之

或四十四策或四十策

復四營如第一變之儀而置其掛扞之策於格上第二小刻是為二變

二變所餘之策左一則右必二左二則右必一左三則右必四左四則右必三通掛一之策不四則八四以一其四而為奇八以兩其四而為偶奇偶各得四之二焉

又再取左右大刻之著合之

或四十策或三十六策或三十二策

復四營如第二變之儀而置其掛扞之策於格上第三小刻是為三變

三變餘策與二變同

三變既畢乃視其三變所得掛扞過揲之策而畫其爻於版

掛扞之數五四為奇九八為偶掛扞三奇合十三策則過揲三十六策而為老陽其畫為口所謂重也掛扞兩奇一偶合十七策則過揲三十二策而為少陰其畫為一一所謂拆也掛扞兩偶一奇合二十一策則過揲二十八策而為少陽其畫為一所謂單也掛扞三偶合二十五策則過揲二十四策而為老陰其畫為又所謂交也

如是每三變而成爻

第一第四第七第十第十三第十六凡六變並同但第三變以下不命而但用四十九著耳第二第五第八第十一第十四第十七凡六變亦同第三第六第九第十二第十五第十八凡六變亦同

凡十有八變而成卦乃考其卦之變而占其事之吉凶

卦變別有圖說見啟蒙

禮畢誦著襲之以囊入櫝加蓋斂筆視墨版再焚香致敬而退如使人筮則主人焚香揖筮者而退

代著法

儲泳曰筮易以著古法也近世以錢擲爻欲其簡便要不能盡卜筮之道自昔以錢之有字者為陰無字者為陽故兩背為拆

二畫也兩面為單一畫也朱文公以為錢之有字者為面無字者為背凡物面皆屬陽背皆屬陰反舊法而用之故建安諸學者悉主其說或謂古者鑄金為貝曰刀曰泉其陰或紀國號如鏡陰之有款識也一以為陰一以為陽未知孰是大抵筮必以著求為簡便必盡其法余嘗以木為三彈丸各六面三面各刻三畫三面刻二畫呵而擲之以畫老少陰陽之變三九各六面十有八變之義也三面為三乾之九也三面為二坤之六也此用九用八之義也三者乾之一畫函三也二者坤之一畫分三也此三天兩地之說也三九擲之皆三則成九老陽數也三九皆二則成六老陰數也兩二一三則成七少陽數也兩三一二則成八少陰數也所用者乾坤之畫以成八卦是乾坤生六子之象也九象太極之一也三三為乾三二為坤象兩也三九

者象天地人之三才也每九得數十五洛書皇極數也合三九  
 之數而為四十有五河圖九宮數也上二則下三上三則下二  
 動靜皆五故五藏於用參以四十五數大衍之數五十也三九  
 成九於上則三九伏六於下此老陽變陰之體也三九成六於  
 上則三九伏九於下此老陰變陽之體也二三相對每九各具  
 三五此參伍以變錯綜其數之旨也體圓而轉變動不居也六  
 位相乘周流六虛也三九六擲而成卦亦十有八變之義也既  
 無錢背錢面陰陽之疑又合老少陰陽之變嘗語同志以為然  
 因著其法與天下共之  
 凡得卦爻老變少不變變則多下

焦氏易林目錄

上經

乾

坤

屯

蒙

需

訟

師

比

小畜

履

泰

否

同人

大有

謙

豫

隨

蠱

臨

觀

噬嗑

賁

剝

復

无妄

大畜

頤

大過

坎

離

下經

咸

恒

遯

大壯

晉

明夷

家人

睽

蹇

解

損

益

夬

姤

萃

升	困	井	革	鼎
震	艮	漸	歸妹	豐
旅	巽	兌	渙	節
中孚	小過	既濟	未濟	

題識

舊見沙隨程氏所紀紹興初諸公以易林筮時事奇驗求之  
 年寶慶丁亥始得其書於莆田錄而藏之皆韻語古雅頗類  
 氏所載繇辭間嘗筮之亦驗獨恨多脫誤無他本是正嘉熙  
 子自吳門歸雪川偶為鄉守王寺丞循道之因以家藏本見假  
 雖復多脫誤而因兩本參互相校十頗得八九於是兩家所藏  
 皆成全書其間亦多重復或數爻共一繇莫可稍究校畢歸其  
 書王氏而志其校正本末於篇後云淳祐辛丑五月上浣直齋  
 書

題焦氏易林後

易之道無所不該學者各得其一偏耳然皆不可語非易也易  
 自夏商周已有三易其後連山歸藏不傳唯周易獨傳周易至

漢儒分而為三有田何易焦贛易費直易何之易傳自孔子分  
 上下經以孔子所作為十傳而有章句贛之易專於占察易林  
 之十六卷直之易長於卦筮無有章句徒以彖象文言等參入  
 卦中以解經漢末田焦之學微絕而費氏獨存蓋費之後有鄭  
 康成王弼輩為之注故也宋程伊川據弼易為傳固出於費朱  
 氏晦庵據呂伯恭古易為本義則本之田何於是田費之易皆  
 盛行於世而贛獨不幸無傳者近於內閣閱書得易林觀其辭  
 韻皆非後人所能到頗類左傳中所載繇辭因錄而藏之異日  
 間有事以占亦未嘗不驗也然則贛之易豈無所本者耶惜乎  
 宋學淺識不能為之傳注使之盛行以為夫人之趨吉避凶一  
 助云姑識之以俟能者

成化癸巳夏四月二十六日後學安城彭善識

焦氏易林後

易有聖人之道四焉以言者尚其辭以動者尚其變以制器者  
 尚其象以卜筮者尚其占此四者皆變化之道神之所為也予  
 讀焦氏易林演六十四卦為四千九十六卦而卦皆具夫辭變  
 象占其意精而深其文簡而古真有以發義文周孔之所未發  
 而開物成務通志定業斷疑之妙開卷具在予未仕時恒以不  
 獲見恨及知武功對山先生出以示予反覆誦味之餘因命梓  
 之以博其傳而私識歲月於此嘉靖四年春二月廣安姜恩書  
 刊焦氏易林說

世之談易者每每以焦氏易林為占察變驗甚捷又恒以其書  
 不多見為恨近得余鄉對山康公付武功令所刻本博覽者求  
 相接踵日侍兵憲蓉川齊公位訊疑未決顧謂余曰發伏若焦

延壽無逝情矣余退而筮之得訟之隨云甲乙丙丁俱歸我庭  
三丑六子入門見毋後五日獄得稽其日乃乙丑訟之者僅六  
人烏聞者愈神其書而雲錄者弗絕於庭余遂翻刊用成款與  
執疑之士適趨避之宜俾焦易秘久而弗傳者再為之一倡廣  
也

大清甲午仲夏之十日之安馬麟書

焦氏易林卷上之一

乾之第一

乾 道險多改胡言連蹇譯瘠且聾莫使道通請謁不行求事  
無功

坤 招殃來螫害我邦國病傷手足不得安息

屯 陽孤亢極多所恨惑車傾蓋亡身常憂惶乃得其願雌雄  
相從

蒙 鵠鷓鳩鳩專一無尤君子是則長受嘉福

需 目睨足動喜如其願舉家蒙寵

訟 龍馬上山絕無水泉喉焦唇乾舌不能言

師 倉盈庾億宜種黍稷年豐歲熟民人安息一作國家富有  
人民蕃息與此

之升坤  
之恒同

**比** 中夜犬吠盜在墻外神明祐助消散皆去

**小畜** 据斗運樞順天無憂所行造德與樂並居

**履** 空拳握手委地更起富饒豐衍快樂無已

**泰** 不風不雨白日皎皎宜出驅馳通理大道與坤同

**否** 載目晶光驂駕六龍祿命徹天封為燕王

**同人** 子彌索哺毋行求食反見空窠警我長息

**大有** 上帝之生福祐日成脩德行惠樂且安寧

**謙** 山險難登澗中多石車馳轆擊載重傷軸擔載差躓踉蹌

右足

**豫** 禹鑿龍門通利水源東注滄海民得安從一作存

**隨** 乘龍上天兩蛇為輔踴躍雲中遊觀滄海民樂安處

**蠱** 彭祖九子據德不殆南山松栢長受嘉福

**臨** 南山昊天刺政關身疾悲無辜背憎為仇

**觀** 江河淮海天之奧府衆利所聚可以饒有樂我君子

**噬嗑** 堅冰黃鳥常哀悲愁不見甘粒但見藜蒿數穉鷲鳥為我

心憂

**賁** 室如懸磬既危且殆早見之士依山谷處

**剝** 大禹戒路虫尤除道周匝萬里不危不殆見其所使無所

不在

**復** 三人為旅俱歸北海入門上堂拜謁主母飲勞我酒

**无妄** 傳言相誤非于徑路鳴鼓逐狐不知跡處

**大畜** 三年爭妻相逐奔馳終日不食精氣勞疲

**頤** 純服黃裳戴上以興德義既生天下歸仁

**大過** 祭跖並處人民愁苦權兵荷糧戰於齊魯

坎 黃鳥來葉既嫁不吝念我父兄思復邦國

離 胎生孚乳長息成就充滿帝室家國昌富

咸 三人求橘反得大栗女青以富黃金百鎰

恒 東山西岳會合俱食百家送從以成恩福

遯 眇雞無距與鵠交鬪翅折目盲為鳩所傷

大壯 卻大墻壞蠹衆木折狼虎為政天降罪罰高弑望夷胡亥

以斃

晉 三癡俱走迷路失道惑不知歸反入患口

明夷 弓矢俱張把彈折絃丸發不至道遇害患

家人 三女求夫不見復闕伺候山隅長思憂歎

睽 陽旱炎炎傷害禾穀穡人無食耕夫嘆息

蹇 騎狫逐羊不見所望徑涉虎廬亡羝失羔

解 暗昧冥語相傳誑誤鬼魅所舍誰知卦處

損 姬姜祥淑二人偶食論仁議福以安王室

益 公孫駕驪載聘東齊延陵說產遺季紵衣

天 孤竹之墟失婦亡夫傷於蒺藜不見少妻東郭堂姜武氏

以亡

姤 仁政不暴鳳凰來舍四時順節民安其處

萃 任勞力薄辱駑恐怯如蝟見鵠不敢拒格

升 衛侯東遊惑於少姬亡我考妣又逝不來

困 樽樽所言莫如我垣歡喜堅固可以長安大有屯

鼎 龜鳴岐山驚應山淵男女媾精萬物化生文王以成為關

周庭  
革 玄黃虺隤行者勞疲役夫憔悴喻時不歸

鼎 弱足則跟不私出門市賈不利折亡為患

震 懸恒素餐居非其安失輿剝廬休坐徒居

艮 民怯伐惡姦人所伏寇賊大至入我邦郭妻子係獲一辭

辭妹

漸 陽低頭陰仰首水為凶傷我寶進不利生其子

歸妹 背北相憎心意不同如火與金一本為辭

豐 太微帝室黃帝所值藩屏固衛不可得入常安無慮

旅 繭栗犧牲敬享鬼神嗜飲食受福多孫

巽 出門逢惡為患為怨更相擊刺傷我手端

兌 鷓飛中退舉事不進宋人亂潰

渙 跛躄相隨日暮牛罷陵遲後旅失利亡雌泰之

節 龍角博顙位至公卿世祿久長起動安寧

中孚 舜升大禹石夷之野徵諸王庭拜治水師之小畜

小過 從風放火荻芝俱死三害集房椽子中傷

既濟 梗生荆山命制輸班袍衣剝脫夏熱冬寒飢餓橫擗眾人

莫憐

未濟 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼醜毒為國災患

需 霜降閉戶蟄虫隱處不見日月與死為伍外解

訟 天之德室溫仁受福衣裳所在凶惡不起

坤之第二

皇陛九重絕不可登謂天蓋高未月王公

此 孔德如玉出於幽谷飛上喬木鼓其羽翼輝光照國

小畜五筮四軌復得饒有陳力就列騶虞悅喜履四足無角君

子所服南征述職以惠我國

履 弊苟在梁鮪逸不禁漁父勞苦連室乾口

泰 雷行相逐無有攸息戰于平陸為夷所覆

否 六龍爭極服在不飾謹慎管鑰結禁無出

同人 長男少女相向共語折薪在社福祿歡喜

大有 遷延惡人使德不通炎火為殃禾穀大傷

謙 修其翰翼隨風向北至虞夏國與舜相得年歲大樂邑無

盜賊

豫 鈇刀攻玉堅不可得盡我筋力眠繭為疾此

隨 舉袂覆目不見日月衣裳簾簾就長夜室臨之

蠱 賊人傷德大怒不福斬刈宗社失其邦國

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福需之夫冲之解似同

噬嗑 穆為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 衆尤所逐反作火怪九身無頭鬼驚鬼去不可以拈

无妄 延頸遠望味為目病不見叔姬使伯心憂

大畜 典冊法書藏在蘭臺雖遭亂潰獨不遇災大有恒

頤 自衛反魯時不可與冰炭異室仁道隔寒

大過 瘤癭禿疥為身瘡害疾病癘殘常不屬遠

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安比之蠱 貴之睽

咸 膏澤肥壤農人豐敞利居長安歷世無患乾之升 比之師

恒 倉盈庾億宜種黍稷年豐歲熟民得安息

遯 鳴鴉破斧邦人危殆賴旦忠德轉禍為福傾危復立

大壯 歲飢無年虐政害民乾溪驪山秦楚結冤

晉 樹潔累累締結難解嫫母銜媒不得坐自為身相

明夷 訾取開門鶴鳴彈冠章甫進用舞韶和鸞三人翼事國無

災患

家人 姊妹本居與類相扶願慕群醜不離其友

睽 邯鄲友言父兄生患涉此憂恨卒死不還

蹇 二人逐見各爭其得愛妾善走多獲其子

解 北辰紫宮衣冠立中舍和建德常受天福坤之觀 需之解

損 拜跪請免不得其哺俛首銜枚低頭北去

益 鶴盜我珠逃於東隅求我郭墟不見所居

夬 簧兩舌妄言謀訣三姦成虎曾毋投杼

姤 伯虎仲熊德義洵羨使布五谷陰陽順序一作孤獨特處 莫與為旅身自

勞苦使布五 谷陰陽順序

萃 褰衣涉河澗流浚多賴遇舟于濟脫無它

升 憑河登山道路阻難求事少便

困 兔且之容不失其恭和謙致樂君子攸同

井 三女求夫伺候山隅不見復闕泣涕漣如

革 螟蟲為賊害我五穀箠笥空虛家無所食需之 明夷

鼎 望尚阿衡太宰國公藩屏輔弼福祿來同

震 三年生狗以成戌毋荆夷上侵姬伯出走需之訟

艮 塗回道塞求事不得

漸 探懷得蚤所愿失道一本下有無有凶憂善居漸好

歸妹 飛蟻遇道趾多攪垣居之不安覆厭為患

豐 義不勝情以欲自傾幾危利寵折角摧頸

旅 潼滂蔚蒼扶首來會津液下降流潦滂霈

巽 白駒生芻倚倚盛姝赫誼君子樂以忘憂

兌 卓馳人趨卷甲相仇齊魯冠戰敗於大丘

渙 一 百望城不見子貞使我悔生

節 龍闢時門失理傷賢內畔生賊則生禍難

中孚 安如泰山祿祐屢臻雖有豹虎不敢危身

小過 初憂後喜與福為市八佾列陳飲御嘉友熾之

既濟 持刀操肉對酒不食夫行從軍少子入獄抱膝獨宿

未濟 陰衰老極陽建其德履離戴光天下照明功業不長蝦蟇

代王否之无妄大有之臨

屯之第三

屯 兵征大宛北出玉關與胡寇戰平城道西七日絕糧身幾

不全

乾 汎汎栢舟流行不行耿耿寤寐心懷大憂仁不逢時復隱

窮居

坤 採薪得麟大命隕顛豪雄爭名天下四方豫之未濟

蒙 山崩谷絕大福盡竭涇渭失紀玉曆盡已

需 夏臺姜里文王所厄鬼侯輸賄商王解合

訟 泥津汗辱棄捐溝瀆所共笑哭終不顯錄

師 李梅冬實國多盜賊擾亂並作君不得息同人

比 獐鹿逐牧飽歸其居反還次舍無有疾故

小畜 夾河為婚期至無船淫心失望不見所歡

履 百足俱行相輔為強三聖翼事王室寵光比之无妄

泰 坐位失處不能自居調攝違和陰陽顛倒

否 登几上輿駕駟南遊合從散橫燕秦以強

同人 三系維繫無益於輔域弱不守郭君受討

大有 河伯大呼津不得渡船空無人往來亦難

謙 甘露醴泉太平機關仁德感應歲樂民安大過之未濟

豫 重茵厚席循高採霍雖躓不懼後及其宅二云豫墮高木痺踈手足保我

金玉源歸其室

隨 太乙駕騶從天上來徵我叔季封為魯侯無有凶憂賁之

之大

蠱 南已大安石斛戟天所指不已已老復一將耄乃嫁墟弊

室舊更為新家

臨 家給人足頌聲並作四夷賓伏一作觀卦

觀 東隣嫁女為王妃后莊公築館以尊主母歸于京師秀姜

悅喜作臨卦否之无妄

噬嗑 陳媯敬仲比與齊姜營丘是適八世大昌比之象

賁 路多荆棘步刺我足不利旅客為心作毒損卦

剝 天官列宿五神室屋空門完堅君安其居

復 牧羊稻園聞虎呻喧懼畏惕息終免禍患否之

无妄 鳴條之災北奔大胡左袵為長國號匈奴主君旄頭立尊

單于

天益就身潔已逢禹巡狩錫我玄珪拜受錫佑  
願 夕華不實國多盜賊疾病難醫鬼哭其室  
天過襄送季女至于蕩道齊子旦夕留連久處  
坎 朽根倒樹花葉落去卒逢火焱隨風偃仆  
離 陰變爲陽女化作男治道得通君臣相承  
咸 炎絕續光光滅復明簡易理得仍成乾功  
恒 多載重負捐棄于野王母誰子但自勞苦  
遯 江河海澤衆利安宅可以富有飲御嘉客  
大壯冬採薇蘭地凍堅難利走東北暮無所得  
晉 鳥鵲嘒嘒天火將起燔我室屋災及死后  
明夷蠱室蜂戶罄我手足不可進取爲身害咎  
家人 崔嵬北嶽天神貴客溫仁正直亡布恩德開衣不已蒙受

大福

睽 伯蹇叔育莫與守牧夫我衣裘代已除服  
蹇 爲季求婦家在東海水長無船不見欣歡  
解 山陵丘墓鬼鬼失舍精神盡竭長寢不覺  
損 跨牛失角下山傷軸失其利祿過在誰孰  
益 水載船舟無根以浮往來溶溶心勞且憂  
夬 有鳥來飛集于古樹鳴聲可惡王將出去  
姤 東徙不時觸患離憂并泥無濡思叔舊屋  
萃 黃帝所生伏羲之字兵刃不至利以居止  
升 東山極亂處婦思夫勞我君子役使休止  
困 跛躓未起失利後市不得鹿子  
井 大蛇當路使我畏懼湯火之災切近我膚賴其天幸趨於

主廬損之

革 從容長間遊戲南山拜祠祀神神使免患一作震卦

鼎 區脫康居慕仁入朝湛露之歡三爵畢恩復歸野廬與母

相侯

震 龜驚列市河海饒有長財善賈商季悅喜一作革卦

艮 年常蒙慶今歲受福三伏採芑出君有得

漸 二人俱東道路爭訟意乖不同使我凶凶

歸妹 樹栽藿豆為鹿兔食君不慎護秋無收入

豐 黃鳥悲鳴愁不見星困於鷺鷥使我心驚

旅 雙鳧俱飛欲歸稻池經涉崔澤為失所射傷我育臆否之晉

巽 久客無休思歸故鄉霖雨盛溢道未得通

兌 道路僻除南至東遼衛子善辭使國無憂

渙 同枕共袍中年分去價少無利獨居愁思

節 衆神集衆相與議語南國虐亂百姓愁苦興師征討更立

賢王小畜之豫

中孚 比陸閉蟄隱伏不出目盲耳聾道路不通

小過 痴狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 受我嬰女牽衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海為水王聰聖且明百流歸德無有畔逆常饒優足損之履

坤 天之所佑禍不過家左輔右弼金玉滿匱常盈不亡富如

厥倉

屯 安息康居異國穹廬非吾習俗使我心憂

需 范公陶夷善賈飾資東之營丘易字子皮把珠載金多福  
利歸

訟 老楊日衰條多枯枝爵級不造遂乃摧墮泰之

師 小狐渡水汗濡其尾科得其幾與道合符

比 豕生如魴鼠舞庭堂雄俟施姜上下昏黃君失其邦

小畜 天地配亨六位光明陰陽順序以成厥功訟之

履 蹀躞足傷右指病癱失旅後時利不走歸

泰 思體同恩各有所屬西隣孤媪欲寄我室主毋罵詈求子

不得

否 操耜鄉畝祈貸稷黍飲食充中安和無咎

同人 新受大寵福祿重來樂且日富蒙慶得財

大有 舉盃飲酒指宜失取無益溫寒亡利不懼

謙 日月相望光明盛昌三聖茂承功德大隆師之節 賁之賁

豫 猾夫爭強民去其鄉公孫叔子戰於城南

隨 猿墮高木不踈手足保我全生還歸其室否之臨 蠱之豫 訟之艮

蠱 逐狐東山水遇我前深不可涉失利後便

臨 鑿井求玉非下氏寶名困身辱勞無所得

觀 黃玉溫德君子所服甘露溽暑萬物生茂

噬嗑 畫龍頭頸文章不成甘言美語說辭無名

賁 招禍致凶來弊我邦病在手足不得安息

剝 履位東勢靡有絕斃贊為隸圖與眾庶伍

復 獐鹿雉兔羣聚東圃廬黃白春俱往追逐九齡十得君子

有喜

无妄織金未成綿盡無名長子逐兔鹿失先路見利不得

大畜天厭周德命與仁國以禮靖民兵革休息

頤重譯買芝來除我憂善說遂良與喜相求

大過膏澤肥壤人民安樂宜利俱止長安富有

坎白龍黑虎起鬚暴怒戰於阪泉蚩尤敗走居止不殆君安

其所益之同人之比

離抱關傳言龔陂摧筋破賊無災不安其所

咸憂禍解除喜至慶來坐立歡門與樂為鄰小畜之升

恒折鋒載父與馬放休狩軍裒營天下安寧

遯至德之君仁政且温伊呂股肱國富長安

大壯千里望城不見青山老兔蝦蟆遠絕無家

晉有莘季女為夏妃后貴夫壽子母于四海

明夷不虞之患禍至無門奄忽暴卒痛傷我心

家人飛鷹退去不食雉雞憂患心解君主安居

睽踉蹉側跌申酉為崇戌亥滅明顏子隱藏

蹇司錄憑怒謀議無道商民失政殷人乏祀

解望雞得雛求馬獲駒大德生少有廖從居

損切切恒恒如將不活黍稷之恩靈輒以存獲生保年

益莫莫輯輯夜作晝匿謀議我資來攻我室空盡我財幾無

我食

夬天之所壞不可强支眾口遭笑雖貴必危

姤目動頰睨喜來加身舉家蒙歡吉利無殃

萃齋羔芬香染指拂裳口飢打手公子恨讒

升天福所豐兆知飛龍成予得志六二已興

困 氓伯以婚抱布自媒棄禮急情卒懼悔憂

井 夏姒親附心聽悅喜利以博取無言不許

革 南山旻天刺政閔身疾悲無辜背憎為仇一作艮卦

鼎 三人為旅俱歸北海人門上堂拜謁王母勞賜我酒

震 陽淫旱病傷害稼穡喪刈病來農人無食一作井卦

艮 攫飯把肉以就口食所往必得無有虛乏一作革卦

斬 鳥飛無翼兔走折足雖欲會同未得已惑

歸 妹體重飛難不得踰關行坐憂愁不離室垣

豐 四雄並處人民愁苦擁兵東西不得安所

旅 譯重開牢求解已憂心感乃成與善俱居

巽 患解憂除王母相予與喜俱來使我安居

兌 冬生不花老女無家霜冷蓬室競為枯株

渙 震慄恐懼多所畏惡行道留難不可以涉

節 三夫共妻莫適為雌子無名氏翁不可知

中 孚早凋被霜花葉不長非時為災家受其殃

小 過雉兔之東狼虎所食貪叨凶惡不可止息

既 濟馬驚破車王墮深溝身死鬼去離其室廬

未 濟山林麓藪兆人所往鳥獸無禮使我心苦

需之第五

需 久旱三年草木不生炎盛空乏無以供靈

乾 火戒復息君明其德仁人可遇身受利祿

坤 溫山松柏常茂不落鸞凰所庇得其歡樂否之恒

屯 四誅不服恃強負力倍道趨敵師徒敗獲益之

蒙 三塗五岳陽城大室神明之保獨無兵革

訟 三牛生狗以戍其毋荆夷上侵姬伯出走坤之震 否之姤

師 息遊江海没行千里以為死亡復見空桑長生樂鄉

比 太乙駕騶從天上來徵君叔季封為魯侯無有凶憂屯之 否

壯之大

小畜 任宿獨居寡處無夫陰陽矢志為人僕使

履 兵征大宛北出玉門與胡寇戰平城道西七日絕糧身幾

不全與屯

泰 楚靈暴虐罷及民力禍起乾溪棄疾作毒扶扶奔逃身死

亥室

否 雌單獨居歸其本巢毛羽憔悴志如死灰

同人 兩子相刺勇力鈎敵交接結和不破不缺交緩各 退兵也

大有 乘船渡濟載水逢火預行免禍蒙茂生全

謙 喪寵益尤政傾家覆我宗失國秦滅周室

豫 久無藏兵春旺不通陰流為賊國被其殃

隨 田鼠野雞意當欲逃拘制籠檻不得動搖

蠱 佩玉藻兮無所繫之旨酒一盛莫與笑語孤寡獨特常愁

憂苦

臨 沒游源口求鮫為室家危自懼復出生道

觀 河水孔穴壤敗我室水深無岸魚鱉傾倒

噬嗑 教羊牧兔使魚捕鼠任非其人費日無功

賁 升戶入室就溫暖食冰棟北陸寒不得賊

剝 孤竹之墟失婦亡夫傷於疾藜不見少妻東郭堂姜武氏

破七熾之

復 凶禍災殃日益彰福不可釐三郤夷傷

无妄載璧秉珪請命于河周公尅敏冲人瘳愈  
大畜烏飛鵲舉照臨東海龍降庭堅為陶叔後圭析英雄履福

綏厚 謙之 願同

頤 危坐至暮請求不得膏澤不降政戾民惑

大過 宜昌娶嬪東家歌舞宴樂有緒長安嘉喜

坎 鑿井求玉非下氏寶名困身辱勞無所得謙之

離 鷓思其雄欲隨鳳東順理羽翼出次日中須留比邑復反

其室

咸 早霜晚雪傷害禾麥損功棄力飢無所食比之

恒 蝠螺生于深自黑醜雖飾相就眾人莫取

遯 去如飛鴻避凶直東遂得全勝與福州逢

大壯 婚姻合配同枕共牢以降休嘉子孫封侯

晉 成陽辰巳長安戌亥丘陵生止非魚鱗市不可避阻終無

悔咎

明夷 冥虫為賊害我五穀簞笥空虛家無所食坤之

家人 謀恩拜德東歸吾國慷慨宴笑歡樂有福

睽 齋具贖理不聽我辭係於虎鬚牽不得來否之

蹇 比目附翼歡樂相得行止集同終不離比

解 一指食肉口無所得染其鼎鼐舌饒於腹

損 曳綸汀洲釣掛魴鯉公孫得利以享仲友

益 商紂牧野顛敗所在賦歛重數黎元愁苦

夬 北辰紫宮衣冠立中含和達德常受天福坤之觀 復之需

姤 輕戰尚勇不知兵權為敵所制征師北奔

萃 大口宣舌神使伸言黃龍景星出應得門興福上堂天下

擇定官需

易林上

上

安昌大有之蠱

升 凶子禍孫把劍向門凶訟觀鸞駭我家一作

困 祝伯善言能事鬼神辭祈萬歲使君延年

井 珪璧琮璋執贄見王百里窳威應聘齊秦詔之

革 味且乘車履危蹈溝亡失裙襦摧折兩軸

鼎 膠着木通不出牛欄斯饗羔羊家室相安

震 卷舌遁世仁德不舍三聖攸同周家茂興

艮 黍稷禾稼垂秀方造中旱不雨傷風枯槁

漸 冠帶南遊與福喜期邀於嘉徵拜為公卿

歸妹 一巢九子同公其母柔順利貞出入不殆福祿所在

豐 韓氏長女嫁於東海多貌美好宜家富壽利得十倍

旅 因禍受福喜盈我室先人後已所願必得

巽 晉平有疾迎醫秦國病乃大秘分為兩堅逃匿育上伏

膏下和不能愈

兌 豺飛門啓患憂大解脩福行善不為身禍同人

渙 追亡逐北呼還稚叔至止而得反其室廬

節 鳥鳴既端一呼三顛動搖東西危慄不安疾病無患

中孚 龍化為虎泰山之陽衆多從者莫敢救藏

小過 焱風忽起車馳竭竭棄名追亡失其和節憂心悒悒

既濟 遊居石門祿安身全受福西隣歸飲玉泉

未濟 登高上山見王自言申理我寃得職蒙恩未濟

訟之第六

訟 文巧信弊將反大質僵死如麻流血漂橈皆知其母不識其父干戈乃止

乾 文王四乳仁愛篤厚子畜十男無有天折

坤 日入望車不見子家長女無夫左手搔頭

屯 東上泰山見堯自言申理我冤以解憂患

蒙 奎軫湯湯過角宿房宣時布和無所不通

需 引髯牽鬚雖懼無憂王母善禱禍不成災

師 鳧得水沒喜笑自啄毛羽悅澤利以攻玉公出不復栢氏  
容宿

比 水流趨下欲至東海求我所有冒魴與鯉

小畜 瘴鹿逐牧安飽其居及還次舍無乃疾故屯之

履 樹積亭豆不得其踣王事靡盬秋無人收

泰 弱水之西有西王母生不知老與天相保行者危殆利存  
善喜

否 數窮廓落困於歷室幸登玉堂與堯侑食

同人 子鈕執麟春秋作陰元聖將終尼父悲心

大有 尹氏伯奇父子生離無罪被辜長舌所為

謙 播木折枝與母別諧九臯難和絕不相知

豫 聆雞無距與鵲格鬪鉗折目盲為鳩所傷復歸野廬與母  
相扶

隨 甲乙丙丁俱歸我庭三丑六子入門見母

蠱 桑葉螟蠹衣弊如絡女工不成絲布為玉

臨 開牢闢門巡狩釋冤夏臺姜里商文悅喜

觀 欽明之德坐前王食必保嘉善長受安福

噬嗑 武夫司空多口爭訟金火當戶民不安處年飢無有  
賁 紫闕九重尊嚴在中黃帝堯舜履行至公冠帶垂衣天下

康寧

剥 負牛上山力行少難烈風雨雪遮遏我前中道復還憂者

日歡

復 褰兔缺唇行難齒寒口痛不言為身生患

无妄 合體比翼喜耦相得與君同好使我有福

大畜 憤憤不脫憂從中出喪我寶具亡妾失位

頤 兩心不同或從西東明論終日莫適我從

大過 啞啞笑言與喜飲食長樂行觴千秋起舞拜受大福

坎 初憂後喜與福為市八佾列陳飲御諸友坤之

離 西徂無家破其新事王孫失利不如止居

咸 鳳凰在左麒麟處右仁聖相遇伊呂集聚時無殃咎福為

我母

恒 區脫康居慕仁入朝湛露之懼三爵畢思復歸舊廬否之

遯 疾貧幼幸使伯行販賈販市井開宰擇羊喜得天祥

大壯 處高不傷雖危不亡握珠懷玉還歸其鄉

晉 右手棄酒左手收排行逢禮御餌德玉杯

明夷 養虎牧狼還自賊傷大勇小捷雖危不亡

家人 戴堯扶禹松喬彭祖西遇王母道路夷易無敢難者損之

離

睽 秋冬探巢不得鵲鷄銜指北去慙我少姬

蹇 兩羝三羊俱之我鄉留連多難損其食糧

解 南徙無廬鳥破其巢伐木思切不利動搖

損 爭訟不已更相牽擊張季弱口被髮北走

益 延頸望酒不入我口初喜後否利得無有履之

天 被髮傾走寇逐我後亡失刀兵身全不傷  
姤 麟鳳所遊安樂無憂

萃 寒衣涉河水深請罷賴幸舟子濟脫無他

升 憤憤不脫憂從中出喪我金鑿無妄失位

困 解跳不遠心與言反尼父妄行蓄齒未華

井 大壯肥特惠我諸舅內外和睦不憂飢渴

革 黃帝建元文德在身祿若陽春封為魯君

鼎 虎聚磨牙以待豚猪往必傷亡宜待止居一作虎屬其牙  
以待犬猪往必

傷殘懼敗無  
餘利以止居

震 天地配享立位光明陰陽順序以成厥功天下和平蒙之

艮 猗嗟高木不踈手足保我金玉還歸其室蒙之

漸 管室紫宮聖不可以明神達德君受大福

歸妹 孤翁寡婦獨宿悲苦自張耳鳴無與笑語歸妹

豐 低頭竊視有所畏避行者不至酒酸魚敗眾莫貪嗜

旅 載金販狗利棄我走藏匿淵底悔折為咎

巽 行觸大諱與司命忤執囚束繫拍制於吏憂人有喜剛

兌 執玉歡喜佩之解變危詳及安使我無患

渙 機杼騰擾女功不成長妹許嫁衣無襦袴聞禍不成凶惡

消去

節 金人鐵鉅火燒左右雖懼不恐獨得全處

中孚 謝恩拜德東歸吳國舞蹈歡躍恣樂受福

小過 青牛白咽呼我俱田歷山之下可以多耕歲樂時節民人

安業

既濟 白雉羣雉暮德貢朝湛露之恩使我得懼

既濟

易本

未濟避患東西及入禍門糟糠不足憂思我心

師之第七

師 鳥鳴呼子哺以酒脯高樓之處子來歸毋膏人成功年歲

大有妬婦無子

乾 一簧兩舌佞言諂語三姦成虎曾毋投杼

坤 春桃生荅季女宜家受福且多在師中吉男為邦君

屯 殊類異路心不相慕牝牛牡猴獨無室家

蒙 折葉蔽自不見稚叔三足孤鳥達其元夫

需 雀東求粒誤人罔域賴逢君子脫復歸息

訟 五孫季子相與孝友明允篤誠升擢薦舉為國藩輔

比 削水無枝與子分離飢寒莫食獨立哀悲

小畜 舜升大禹石夷之野徵請王闕拜治水土

履 義不勝情以欲自管見利危寵滅君令名

泰 三人北行六位光明道逢淑女與我驥子

否 羿張烏號殼射天狼枉國雄勇闔死榮陽

同人 李姬踟躕結衿待時終日至暮百雨不來

大有 鴻鴈翩翩始若勞苦災疫病民鯁稟愁憂

謙 穿窬狗邦僵離旁春天地易紀日月更始

豫 北山有棗使叔壽考東嶺多栗宜行賈市陸梁雌雄所至

利喜

隨 于旄旌旗執幟在郊雖有寶珠无路致之

蠱 精潔淵塞為讒所言證訊詰請繫於枳温甘棠聽斷怡然

蒙恩

臨 玄黃虺隤行者勞罷役夫憔悴踰時不歸

辨是官師

易林七

示

觀 膚敏之德發憤忘食虜豹禽說為王求福以成王德作擯  
噬嗑 采唐沫鄉要我桑中失信不會憂思約帶

賁 伯寧子福惠我邦國蠲除苛殘使季無患

剝 讒父佞雄賊亂邦國生離忠孝敗困不福

復 淵泉隄防水道通利順注湖海邦國富有

无妄 江男多蝮螫我手足冤繁詰屈痛徹心腹

大畜 三人俱行別離獨宿一身五心反覆迷惑亂無所得

頤 鷺鳴庭中以戒災凶重門擊柝備不速客

大過 功成事就拱手安居立德有言坐飭貢賦

坎 國亂不安兵革為患掠我妻子家中飢寒

解 戴堯扶禹從喬彭祖西遇王母道路夷易無敢難者

咸 長尾委蛇畫地成河深不可涉絕無以比惘然噴思

恒 乘龍從蜺徵詣北闕乃見宣室拜守東城鎮慰黎元舉家

蒙福

遯 上與山連終身無患天地高明萬歲長安

大壯 久旱水涸枯槁無澤虛修其德未有所獲

晉 依山倚地凶危不至上清下降君受其利

明夷 火烈不去必殪僵仆燔我衣裾禍不可悔

家人 配合相迎利之四卿欣喜興釋所言得當

睽 清人高子又屯外野道遙不歸思我慈母

蹇 武庫軍府甲兵所聚非里邑居不可舍止

解 王德五材和合四時陰陽順序國無咎災

損 解衣毛羽飛入大都晨門戒守鄭忽失家

益 削根燒株不生肌膚病在心腹日以焦枯

夫 文山紫芝雍梁朱草生長和氣福祿來處

姤 多載重負捐弃于野小任其大但自勞苦

萃 鳧雁啞啞以水為家雌雄相和心志娛樂得其歡欲

升 耳目盲聾所言不通佇立以泣事無成功

困 天宮列宿五神所舍宮闕堅固君安其居

井 范子妙材戮辱傷膚然後相國封為應侯

章 秋冬採巢不得鵲雛銜皆北去慙我少夫

鼎 子畏於匡厄困陳蔡德行不危竟脫厄害

震 鴻飛在陸公出不復仲氏任只伯氏客宿

艮 鶴鳴九臯避世隱居抱朴守真竟不相隨

漸 舜升大禹石夷之野徵請王闕并治水上乾之中象師之小畜

歸妹 左輔右弼金玉滿匱常盈不亡富如厥舍與蒙之坤

豐 崔嵬北岳天神貴客衣冠不已蒙被恩德

旅 空槽注猪狔豨不到張弓視雞雄鳩飛去

巽 胡蠻戎狄大陰所積涸冰凍寒君子不存

兌 甘露醴泉太平機關仁德感應歲樂民安屯之謙

渙 惡來呼伯頰驚外客中守閑宅以備凶黠臨折之憂雖滅

無災

節 日月相望光明盛昌三聖茂功仁德大隆蒙之謙否之賁

中孚 葛藟蒙棘花不得實讒佞亂政使恩壅塞

小過 鄰不我顧面望玉女身多癩疾誰肯媚者

既濟 精誠所在神為之輔德教尚中彌世長乂三聖與為多受

福祉

未濟 鑽木取火掘地索泉主母飢渴子為心福

比之第八

鹿得美草嗚呼其友九族和睦不憂飢乏同人之寒

乾 繼祖復宗追用成康光照萬國享世久長

坤 麟子鳳雛生長嘉國和氣所居康樂無憂邦多哲人

屯 灼灼泉源釣鯉山巔魚不可得火不肯燃小畜之屯

蒙 彭生為吳白虎行畜盜堯衣裳築路荷兵青禽照夜三日

夷傷

需 黍稷醇醴敬奉山宗神嗜飲食甘雨嘉降黎庶蕃殖獨蒙

福祉時災不至

訟 李花再實鴻卯降集仁哲權輿蔭國受福小畜之訟

師 千歲之墟大兵所屠不見子都城空無家

小畜 公子王孫把鋏抑尤發輒有得室家飽足

履 驪姬讒嬉與二嬖謀譖殺公子賊害忠孝申生以絳衣

奔走

泰 長生無極子孫千億栢柱載梁堅固不傾

否 失意懷憂如幽狴牢亡子喪夫拊托寄居

同人 仁智隱伏麟不可得龍蛇潛藏虛居堂室

大有 列潔堞堞締結難解嫫母銜嫁媒不得坐自為身禍

謙 鳥飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌姤之師屯

隨 過時不歸雌雄苦悲徘徊外國與母分離

蠱 齊魯爭言戰於龍門構怨連禍三世不寧坤之睽謙之咸

臨 府藏之富王以賑昏捕魚河海苟願多得損之睽同

觀 鳴鶴北飛下就稻池鱸鮓鯉衆多饒有一苟獲兩利得

過倍

噬嗑蒼梧鬱林道易利通元龜象齒寶貝南金為吾歸功

賁 兩火爭明雖闢不傷分離且忍全我弟兄

剝 伯夷叔齊貞廉之師以德防患憂禍不存泰之乾

復 季去我東髮櫛如蓬展轉空牀內懷憂傷一本作貞辭

无妄百足俱行相輔為強三聖翼事王室寵光

大畜擁遏隄防水不得行火盛陽光陰蜺伏藏退還其鄉

頤 騰蛇乘龍歲飢逢逢年歲飢凶民食草蓬

大過鉛刀攻玉堅不可得盡我筋力眠繭為疾坤之

坎 恒山浦泛高邑具在陰氣不淋洪水弗處牢人開戶

離 比目四翼來安我國福善上堂與我同牀損之隨同

咸 柱口結舌心中怫鬱去蓄患生莫所告究否之巽

恒 牽尾不前逆理失臣惠朔以奔

遯 早霜晚雪傷害禾麥損功棄力飢無所食需之

大壯適戍失期患生無聊懼以發憂開藏閉塞邦國窮愁

晉 昊天白日照臨我國萬民康樂咸賴嘉福

明夷 元吉无咎安寧不殆

家人 懿恭淺愚不深受諫無援失國為狄所賊

蹇 城上有鳥自號破家呼喚鳩毒為國患災

寒 長服喜走趨步千里王良嘉喜伯樂在道申生見母下有

由子

解 耕石山顛費種家貧無聊虛作苗髮不生

損 一人異路東趨西步千里之行不相知處

益 純服素裳載主以興德義茂生天下歸仁

詳是官七

易本上七

三五

夫 王銳鉄頭倉庫空虛賈市爲盈與利爲仇

姤 登崑崙入天門過糟丘宿玉泉開惠觀見仁君

萃 團々白日爲月所食損上爻下鄭昭出走

升 倉盈庾億宜稼黍稷年豐歲熟國家富貴乾之恒

困 虎狼結謀相聚爲保思嚼牛羊道絕不通傷我商人

井 中年摧折常恐不活老賴福慶光榮相輔

革 同載共車中道分去喪我元夫獨與孤苦隨之比

鼎 飲酒醉酗距跳爭鬪伯傷叔僵東家治喪

震 出值凶災逢五赤頭跳言無佑扶杖伏聽不敢動搖

艮 狼虎爭強禮義不行兼吞其國齊魯無王小畜之隨

漸 南國少子方畧美好求我長女賤淺不與反得醜惡後乃

不悔泰之

歸妹 一身兩頭莫通其軀無見我心亂不可治

豐 李耳橐鵲更逢恐惜擾余以腹不能舉格

旅 栢桂棟梁相輔爲強入敷五教王室康寧

巽 雀行求食慕歸呼乳反其屋室安寧如故

允 四尾六頭爲凶作妖陰不奉陽上失其明

渙 一旅三關結緝不便岐道異路日暮不到

節 牙蘗生齒室堂啓戶幽人利貞鼓翼起舞

中孚 春鴻飛東以馬貨金利得十倍重載歸鄉

小過 歡悅以喜子孫俱在守強能忍不見殃咎

既濟 精神消落形骸醜惡齟齬頓挫枯槁腐蠹

未濟 登高上山見王自言申理我饒得職蒙恩

小畜第九

小畜白鳥銜餌嗚呼其子施披張翅來從其母伯仲季叔元賀  
舉手

乾 東遇虎蛇牛馬奔驚道絕不通商困無功

坤 子鉏獲麟庶士開元英雄爭名都邑倍遊

屯 灼火泉源釣魚山顛魚不可得火不肯燃毗之

蒙 機關不便不得出言精誠不通為人所究

需 故室舊廬稍蔽綬沮不如新巢可治樂居

訟 蛟蛇循流東水大魚預且舉網庖人歌謳

師 鑿山通道南至嘉國周公所祝襄適荆楚

比 鵲足却縮不見頭目日久困急不能自復

履 五舌啄難各自有言異國殊俗使心迷惑所求不得

泰 天門開闢牢戶寥廓桎梏解脫拘困縱釋

否 堅冰黃鳥啼哀悲愁數驚鷓鴣飄為我憂

同人 日走月步趣不同舍夫妻反目王君失居

大有 金牙鐵齒西王母子無有患歿候舍涉道別來不久

謙 式微式微憂禍相絆隔以岩山室家分散

豫 衆神集聚相與議語南國虐亂百姓勞苦興師征伐別立

賢主

隨 虎狼爭食禮讓不能兼吞其國齊晉無主

蠱 寄生無根如過浮雲本立不固斯須落去更為枯樹

臨 子啼索哺母行取食反見空巢紫弋長息

觀 駕駟逐狐輪掛荆棘車不結轍公子無得

噬嗑 方啄廣口仁智聖厚釋解倒懸唐國太安

賁 駕福乘喜東至嘉國戴慶南行移居安宅

剥 孔鯉伯魚北至高奴木馬金車駕遊大都王母送我來牝

牝駒

復 三足無頭不知所之心狂精傷莫使為明不見日光

無妄 駉牝龍身目越三千南上蒼梧與福為婚道里夷易安全

無忌

大畜 辰次降婁王駕巡狩廣佑施惠國安無憂望季不來

頤 望車不到王子逐走馬騎野傷失迹不得曷其有常

大過 中原有菽以待饗食欲御諸友所求大得

坎 亂茅縮酒靈巫拜禱神怒不許瘞盡愁苦

離 李華再實鴻卯降集仁哲以興蔭國受福之訟豫

咸 原出陵足行於山趾不為暴害民得安恬

恒 客入其門奔走東西童女不織士棄耕畝暴骨千里歲飢

民苦

遯 天之所予福祿常在不憂危殆

大壯 蝗食我稻驅不可去實穗無有但見空槁

晉 牛騎同堂郭氏以亡國破空虛君奔走逃

明夷 狗無前足陰謀其比為身賊害何以安息

家人 兩輪自轉南上大阪四馬共轅無有重難與禹笑言

睽 芽蘗生達陽昌於外左手執籥公言錫爵

蹇 秋花冬萼數被嚴霜甲兵當庭萬物不生雄火夜明民擾

大驚

解 霜降閉戶蟄虫隱處不見日月與死為伍坤之

損 身載百里功加四海為文開基武立天柱

益 禹作神鼎伯益銜指斧斤高閣幢立獨坐賣買不售讎困

為害

夫福祚之聚喜至憂除如魚逢水長樂受庇

姬蒼龍隱伏麟鳳遠匿寇賊同處未得安息

萃白鶴啣珠夜食待明懷胡德音身受光榮

升朝生夕死名曰嬰鬼不可得祀

困行役未已新事復起姬姜勞苦不得安息

井憂患解除喜至慶來坐立惟忻與樂為隣蒙之

車晨風天翰大舉就温時過我邑昇無所得

鼎下田種黍芳花當齒大雨淋集紛榮滿壑淋集一作淋集

震鳥庇茂林君子碌碌心樂願得見者有穀

艮折臂躩足不能進酒祠祀闕曠神怒不喜

漸學靈二年仁聖且神明見善祥吉喜福慶鳴鳩飛來告我

無憂一作鹿鳴鴻

歸妹三婦同夫志不相思心懷不平至常愁悲

豐中田高黍以享王母受福千億所求大得

旅陽火不憂二耕喜至慶來降福為我鼓瑟歌謠送喜

允陽明不息君無恩德伯氏失利民喪其力

巽燕雀銜茅以生孚乳兄弟六人交好孝悌各得其願和悅

相樂

渙鶉尾奔奔火中戍軍號叔出奔下失其君

節兩人相距止不同舍夫妻離散衛侯失居

中孚賁為蓄虐風吹雲却欲止不得反歸其宅

小過闕睢淑女配我君子少姜在門君子嘉喜

既濟慈母赤子饗賜得土夷狄服降以安王室

未濟三足狐鳴靈鳴督御思過罰惡自賊其家

履之第十

履 十鳥俱飛羿射九雌雄得獨全雖驚不危

乾 東向蕃垣相與笑言子般執鞭樂人作歡

坤 循河榜舟旁淮東遊漁父舉網先得大魚

屯 轅折輪破馬倚僕卧後旅失宿右足跌踈

蒙 兩人相伴相與僕戾心乖不同訟爭凶凶

需 北辰紫宮衣冠在中含和建德常受天福需之觀

訟 遊居石門祿祉安全受福西隣歸飲玉泉需之既濟

師 羊腸九縈相推併前止須主孫乃能上天

比 爭訟相倍和氣不處陰陽俱否穀風毋下

小畜 郭叔矩順為棘所拘童顏重顛禍不成殃復歸其鄉

泰 蠶室蜂戶螫我手足不得進止為吾害咎咎明夷

否 怒非其願因物有遷貪妬腐鼠而呼鴉鳶自合失餌到披

困患

同人 嬰孩求乳母歸其子黃鷹悅喜

大有 鍼鏤徒勞錦綉不成鷹逐雉兔瓜折不得

謙 雨潦集降河渠不通齊魯閉塞破費市空

豫 封豕溝瀆水潦空谷客止宿舍紀塗至腹處無黍稷

隨 二姦相擾桀跖為友上下騷離隔絕天道

蠱 齊景惑疑為孺子手嫡庶不明賊孽為患

臨 三羊俱亡奔走南行會暮失跡不知其藏

觀 請伯行賈岱山之野犯歷險阻不逢危殆利如堯酒

噬嗑 桑方將落頌其黃葉失勢傾側而無所立

賈 上山求魚入水捕兔市非其歸自今久留

剝 名成德就項領不試景公耄老尼父遊去否之

復 天之奧隅堯舜所居可以存身保我邦國

無妄 涉伯殉各棄禮誅身成子奔燕一作

大畜 兩人俱爭莫能有定心垂不同訟言起凶

頤 睢鳩淑女聖賢配耦宜家受福吉善長久一作之

大過 踰河求橘并得大栗烹羊食炙飯酒歌笑

坎 山險難行礪中多石車馳頻擊重載折軸擔負喜躑踖

右足謙之

離 允利孔福神所予畜般樂無苦得其歡欲

咸 烏鵲食谷張口受哺蒙被恩福長大成就柔順利貞君臣

合德

恒 潼瀕蔚會膚寸來會津液下降流潦滂沛

蹇 路多荆棘步刺我足不利旅客為心作毒損身

大壯 虺蛇求聚難以居處毒螫痛甚瘡不可愈

晉 麟鳳相隨察觀安危東國聖人后稷周公君子攸同利以

居止長無災凶

明夷 桀亂不時使民恨憂六祉為笑君危臣羞

家人 黃帝所生伏羲之宇兵刃不至利以居止屯之

睽 雀行求粒暮歸屋孺及其室舍安寧如故屯之

蹇 太倉積谷天下饒食陰陽調和年歲時熟

解 千旄旗旌執幟在郊雖有寶珠無路致之師之隨豫

損 履危蹈顛隊入泉淵蹇不能前足矮不便

益 嚙命上車合和兩家蛾眉皓齒二國不殆

夫吉日車攻田弋獲禽宣王飲酒以告家功

姤金帛貴寶宜與我市嫁取有恩得利過倍

萃延頸望酒不入我口深以自喜利得無有益之

升牧為代守饗養甘賜得利士意戰大破胡長安國家

困日出温谷照臨萬國高明淑人虞夏配合

井逐兔索烏破我弓車日暮不及失利後時

革譌言妄語傳相註誤道左失迹不知戶處

鼎履虎躡尾貶損我威君子失否去其國家

震本根不固新花落去更為孤嫗不得相視

艮五輒四國優得饒有陳力就列驕虞悅喜

漸黃帝紫雲聖哲且神光明見祥告我无殃

歸妹五利四福俱田高邑黍稷成茂多獲稟稻

豐羣虎入邑求索肉食大人衛守君不失國

旅鳥子鵠雛常與母居願慕羣旅不育其巢

巽寒驢不材駿驥失時筋勞力盡疲於沙丘

兌玄鬣黑類東歸高鄉朱鳥導引靈龜載莊遂抵天門見我

貞君人馬安全

渙採巢得雛鳩鵲俱來使我欣娛

節安上宜官一日九遷升擢超等牧養常山

中孚大頭明目載受嘉福三省飛來與祿相得

小過遠視千里不見墨子離婁明視穆於小人一作離婁之明無益為光

既濟三女成姦背夫夜行與伯笑言不忍玉母為失醴酒冤天

誰告

未濟日辰不良強弱相振一鳥兩離客勝主人

小疑管履

易本七一

三五

泰之第十一

泰 有求陳國留連東域須我王孫四月來復玉君有德蒙恩受福

乾 伯夷叔齊貞廉之師以德防患憂禍不存此之

坤 濟深難渡濡我衣袴五子善擢脫無他故他字作衣

屯 倚立相望適我道通驅駕奔馳比目同床

蒙 葛藟蒙棘華不得實諛佞為政使恩壅塞師之中字

需 四並兼用君子所服南征述職與福同德

訟 蹀踵足傷大指病癱失旅後時利走不來旅下旅失蒙之旅

師 春城夏國長生之域可以服食保全家國

比 望驥不來拘蹇為憂雨驚我心風感我飢

小畜 夕客無淋思歸我鄉雷雨浸盈道不得通

履 方船備水傍河燃火積善有徵終身無禍天福吉昌求得

安康

否 陟岵望母役事不已王政靡盬不得相保

同人 多載負重捐棄于野王母離子思勞自苦師之始

大有 生值地乳上皇大喜賜我福祉壽筭無極賓于作命

謙 翕翕輞輞稍隊山顛滅我令名長沒不存否之離

豫 東隣嫁女為王姤后莊公築館以尊王母歸于京師季美

喜悅

隨 伯虎仲熊德義淵闊使布五教陰陽順序坤之姤益之屯

蠱 敏教勁疾如猱升木彤弓雖調終不能獲

臨 舉袂覆目不見日月衣裘簞席就長夜室坤之

觀 恐醜少羞無面有頭耗減寡虛日以削酒

噬嗑固陰返寒常水不温令人墮怠庖火為災電火為蕃

賁 夏麥麩麩霜擊其芒疾君敗國使我天傷

剝 淵涸龍憂箕子為奴于叔隕命毀破其家

復 跛踣相隨日暮半罷陵遲後旅失利亡雌

无妄 桑方將落隕其黃葉失勢傾倒如無所立

大畜 長生以時長柱根本陰陽不和歲樂無憂

頤 童女無室未有配合陰陽不和空坐獨宿

大過 春令原宥仁德不周三聖攸同周國茂興

坎 金精躍怒帶劍過午兩虎相妬雖驚不咎

離 危坐至暮謀求不得膏澤不降政及民忒

咸 老楊日衰條多枯枝爵級不進日下摧頹蒙之訟

恒 蔡侯適楚留連江湖踰日咥月思其后君

遯 右撫劍風左撓勾帶凶訟不止相與爭戾失利市肆

大壯 水流趨下遠至東海求我所有買鮪得鯉訟之此

晉 登几上輿駕駟南遊合縱散衡燕秦治強

明夷 求兔得獐過其所望歡以相地高位夷傷以一作其

家人 過時不歸道遠且迷旅人心悲使我徘徊

睽 菟孤無室御宿舍食盜張民潰見敵失內

蹇 居如轉丸危不得安東西不寧動生憂患

解 坤厚地載庶物蕃息平康正直以綏百福

損 剝散壯荆生賢止侮仇敵背憎孰肯相迎上下有咎

益 鳳凰銜書玄珪賜我封為晉侯

夬 作凶不善相牽入井溺陷辜罪禍生憂滋

姤 悲鳴北行失其長兄伯仲不幸骸骨敗亡

萃 羔衣豹裘高易我宇君子維新

升 日中爲市各抱所有交易貨賈含味懷寶心悅歡喜

困 振急絕理恒陽不雨物病焦乾華實無有

井 狐貉載剥凌溫翠蓐寒棘爲疾何所不足

革 履踐危難脫執去患入福喜門見誨大君

鼎 四亂不安東西爲患退止我足無出國城乃得金完賴其

生福

震 南國少子材畧美好求我長女賤薄不與反得醜惡後乃

大悔駟之

艮 妄怒失理陽孤無輔物病焦枯年飢於黍

漸 倬然遠谷辟害阜阜出獲三狐巨具爲寶

歸妹 逐鹿山顛利去我西雖祁南北無所不得

豐 龍蛇所聚大水樂處滑滑沛沛使我無賴

旅 從風吹火牽麒麟尾易爲之功因摧受福

巽 澤狗水鳥難畜少雛不爲家饒心其亟逋

兌 水壞我里東流爲海龜鳧驩不覓慈母

渙 褰衣涉水深漬請罷賴幸舟者濟收無他

節 龜戒河海陸行不止自今枯槁失其都市憂害無咎

中孚 同本異葉樂仁正德東隣慕義來興我國

小過 桃李花實纍纍日息長大成熟甘美可食爲我利福

既濟 重瞳四乳聰明順理無隱不形微視千里災害不作君子

集聚

未濟 實沈參墟以義討尤次止結盟以成勳功

不之第十二

否 秦為狼虎與晉爭強并吞其國號曰始皇

乾 江河淮濟天之奧府眾利所聚可以饒有樂我君子藏之

坤 天之所災凶不可居轉徙獲福留止憂危

屯 名成德就項領不試景公蓋老尼父逝去賴之

蒙 持善避惡福祿常存雖有豺虎不能危患

需 避患東西及入禍門糠糟不足憂動我心訟之未濟

訟 珪璧琮璋執贄見王百里甯戚應聘齊秦需之井

師 揚水潛鑿使石潔白衣素表朱戲遊臯沃得君所願心志

娛樂

比 官爵相保居之無咎求免不得使伯恨悔

小畜 載車無禪裸程出門小兒作笑君子憂患

復 把珠入口為我利寶得吾所有欣善嘉喜

泰 行不如止直不可曲進不如退可以安吉

同人 象鬼瓦聚中有大怪九身無頭魂驚魄去不可以居

大有 家給人足頌聲並作四夷賓服干戈橐閣

謙 人面鬼口長舌如斧斲破瑚璉殷商絕祀

豫 南山之峻真人所在德配唐虞天命為子保佑飲享身受

大慶

隨 春桃生花季女宜家受福多年男為邦君師之坤

蠱 鴟鴞破斧中人危殆賴其忠德轉禍為福傾危復立

臨 猿墮高木不踳手足保我金玉還歸其室訟之艮益之豫蒙之隨

觀 天之奧隅堯舜所居可以存身保我邦家履之復

噬嗑 伯蹇叔育足痛難行終日至暮不離其鄉

賁 日月相望光明盛昌三聖成功仁德大隆師之謙蒙之謙

剥 桃李花實纍纍日息長大成就甘美可食為我利福小過  
復 入和出明動作有光運轉休息所為允康

無妄陰衰老極陽見其德履離載光天下昭明功業不長蝦蟆  
代王軾有之臨  
坤之未齊

大畜行役未已新事復起姬姜勞苦不得休止

順 孤鳴室止飢無所食困於空丘莫與同力

大過雄聖伏名人匿麟遠走鳳飛比擾亂未息

坎 疾貧望幸使伯行販開牢擇羊多得大牂訟之

離 翁翁鞦韆墮崩顛滅其令各長沒不存泰之謙  
坤之坎

咸 華薄實彙衣弊如絡女巧不成絲布為王

恒 溫山松柏常茂不落鸞鳳所庇得其歡樂需之  
坤

遯 失持母教嘉偶出走僂如失老如喪家狗

大壯太乙駕騶從天上來微我季叔封為魯侯屯之隨  
需之比

晉 雙鳧俱飛欲歸稻池徑涉藿澤為矢所射傷我胸臆屯之  
旅

明夷深坑復平天下安寧意娛心樂賴福長生

家人俱為天民雲過吾西風伯疾雨與我無恩

睽 野鳥山鵲來集六博三梟四散主人勝客

蹇 北陰司寒堅冰不溫凌人情怠大雹為災

解 伊伯致仕去桀耕野執順以待反和无咎

損 秋風牽手相提笑語伯歌季舞燕樂以喜

益 徙巢去家南過白馬東西受福與母相得

夬 鳥飛跌跛兩兩相和不病四肢但去莫疑

姤 三年生狗以戌為毋荆夷上侵姬伯出走坤之震  
需之訟

萃 破筐敝苴弃捐於道壞落穿敗不復所實

升 結紉得解憂不為禍食利僂家受福安坐

困 白日揚光雷車避藏雲雨不行各自還鄉

井 柱口結舌心中怫鬱去災生患無所告冤否之成

革 賈具贖狸不聽我辭繫指虎鬚牽不得來需之

鼎 持鶴抱子見蛇何咎室家俱在不失其所

震 逐兔山西利走入門賴我仁德獲為我福

艮 興役不休與民爭時牛生五趾行危為爰

漸 春粟夏梨少鮮希有斗千石萬貴不可求

歸妹 悲號北行失其長兄伯仲不幸骸骨敗亡

豐 賦歛重數政為民賊杼軸空盡家去其室

旅 履服自敵殃咎並到憂不能笑

兌 免冠進賢步出朝門儀體不正賊孽為患

巽 杜口結舌言為禍毋代伯受患無所禱免否之成

渙 娶於姜女駕迎新婦少齊在門之子悅喜

節 牧羊稻園聞虎喧謹畏恐悚息終無禍患屯之

中孚 老妾踞機緯絕不知女功不成冬寒無衣

小過 黑龍吐光使陰復陽榮獵載聖六師以昌

既濟 東隣嫁女為王妃后莊公築館以監主母歸於京師姬姜

悅喜屯之

未濟 灌頤同徒道頓跌踣日辰不良病為身禍

同人之第十三

同人 橐窶山顛銷鋒鑄亦示不復用天下大歡

乾 一臂六手不使堵口莫肯為用利弃我走

坤 獐鹿逐木飽歸其居安息無悔

坤定官同人

三

屯 鴻魚逆流至人潛處蓬蒿代柱天屋顛倒自此至否一本

蒙 三殺五牲相隨俱行迷人空澤經涉六駿為賊所傷殘作

需 黃帝出遊駕龍乘馬乘太上山南過齊魯邦國咸喜

訟 履危不安心欲東西步走逐鹿空先所得

師 望尚阿衡大半用公藩屏湯武立為侯王

比 白龍黑虎起伏俱怒戰於阪兆虫猶走敗死於魯首蒙之坎益

之比

小 道載石上山步跌不前顯眉之憂不得所歡

履 周德既成行軸不傾中西跌墓老衰去箴石不祐

泰 乘雲帶雨與飛鳥俱舉動了里見我慈母舉動云動也

否 賁日狐狸不聽我辭繫於虎鬚牽不得來

大有 三翼飛來字我逢時俱行先至多得大利

謙 兩足四翼飛入我國靈我伯姊與母相得

豫 案民湖池王盃天按魚如白雲一國獲鯉

隨 季姬踟躕望遠城隅終日至暮不見齊侯居室無憂

蠱 龍闕求泉置雲影從河伯捧觴跪進酒漿流潦滂滂

臨 出門逢患與怒為怨更相擊刺傷我手端

觀 播衣樂天乾坤旂命安樂無咎樂一作舞乾坤作亂神

噬嗑 兩金相擊勇武敢敵終日大戰不破不缺

賁 大車難駕兩引如繩馬奔山後輪脫不行中道遇害

剝 之山紫芝雍梁朱草長生和氣與以為寶公尸侑食神福

來處

復 把珠入口為我畜寶得吾所有欣然嘉喜

无妄 負車上山力盡行難烈風雨雪遮過我前中道復還憂者

得歡

天畜陶朱白圭善賈息資三致千金德施上仁

頤子鉞執麟春秋作陰元聖將終尼父悲心

天過春日載陽福履齊長四時不忒與樂為昌

坎孔懷如玉出於幽谷飛上喬不鼓其羽翼耀光照目坤之

離區脫康居慕人入朝湛露之歡三爵畢思復歸寧廬以安

其居

咸秋冬夜行照覽星辰道理利通終身無患

恒如鵠抱子見蛇何咎室家俱在不失其所

遯安如泰山福壽縷臻雖有豺虎不能危身

大壯耆蒙睡眠不知東西歲君失理命直為曲王稱為寶

晉戴璧乘珪請命于河周公克敏坤人瘳瘡

明夷大玉執政歲熟民富國家豐有王者有喜

家人訟爭相背和氣不處陰陽俱否殺風外子

睽齊管爭言戰於龍門構怨結禍三世不安坤之離

蹇鹿得美草嗚呼其友九族相睦不離邦域

解百里難行雖微復明去虞適秦為膠國卿

損梅李冬實國多寇賊亂擾並作王不能制坤之

益府藏之富土以賑貸捕魚河海荷網多得巨蛇大鱸戰於

夬國郊君遂走逃此之臨

姤社飛門啓憂患大解不為身禍需之

萃宜昌娶婦東家歌舞長樂歡喜

升正陽之史中氏以亡禍及留吁烟滅為墟

升鳧過稻廬甘樂麴餈雖驅不走田暖懷憂

困 跛躄俱行日暮車傷失旅乏糧

井 龍門小冗流行不害民安其土君臣相保

革 山陵西塞逼我徑路欲前不得俱還故處

鼎 兩虎爭鬪血流浮柞城廓空虛蒿藜塞道

艮 龍生無常或托空桑憑乘風雲為堯立功

震 依來墻隅志下心勞楚亭晨食韓子低頭

漸 旆行搖尾逐雲吹火汗泥為陸下田為稷

歸妹 跛躄相隨日暮牛罷陵遲後旅失利亡雌

豐 三人俱行北求大祥長子病足請季負囊柳下之責不失

驪黃

旅 鳳凰在左麒麟在右仁聖相遇伊呂集聚傷害不至時無

缺各偏為此外論之

巽 乘筏渡河雖深不殆曾孫皇祖累累俱在受其大福

兌 比目四翼來安吾國膏福上堂與我同床比之離損之隨

渙 娶於姜呂駕迎新婦少妻在門夫子悅喜訟之

節 螟虫為賊害我稼穡冬禾殫麥秋無所得

中孚 衣裳顛倒為王來呼成就東周邦國大休

小過 王孫季子相與為友明允篤識升擢薦舉

既濟 涌泉滑滑流行不絕汗為江海敗毀邑里家無所處聞虎

不悖向我笑喜

未濟 桑鵲竊脂啄粟不宜亂政無常使我孔明

大有之第十四

大有 白虎張牙征伐東華朱鳥前驅變尊悅辭敵人請服衝壁

而趨

乾 南山大行困於空桑老沙為石牛馬無食

坤 蟠枝失岐與夙別離絕不相知

屯 躑躅所言莫如我垣惟樂堅固可以長安曬之

蒙 李梅零墜心思精憤懣小愧亂我鬼氣

需 火雖熾在吾後寇雖多在吾右身安吉不危殆

訟 虎卧山隅鹿過後胸弓矢復張猖為功曹伏不敢起遂至

洋野得我美草

師 三火起明用滅其光高位疾顛驕恣深傷

比 定居楚鳥遇讒無辜久散離憂散一作旅

小畜 室十子同心鼎以義防患禍災不起

履 商人行旅資無所有貪其利昧留連下市還家內顧公子

何咎

泰 禹將為君北入崑崙稍進陽光登入温湯功德昭明

否 乾行大德覆幬無極嘔呼享熟使各自得

同人 南國茂盛黍稷釀酒可以享老樂我嘉友

謙 方船備水旁河然火終身為禍與夫吉昌未得安康

豫 雷行相逐無有休息戰於平陸為夷所覆

隨 躑躅踟躕撫心搔頭五晝四夜賂我齊侯

蠱 大口宣唇神使伸言黃龍景星出應德門與福上堂天下

安昌需之幸

臨 陰衰七極陽建其德離載陽光天下昭明

觀 三塗五岳陽城大室神明所伏獨無兵革下有保國

噬嗑 年豐歲熟仁政民樂利以居止旅人獲福

賁 楚鳥逢矢不可久放離居無辜作此哀詩以告孔憂

剝 出門大步與兄惡忤詈公詈毋為我憂趾

復 火之井谷揚芒生角犯歷天市闕觀太極登上玉牀家易

六公

无妄牧羊逢狼雖憂不傷畏怖惕息終無禍殃

大畜 繭栗犧牲敬事鬼神神者飲食受福多孫望季不來孔聖

厄陳乾之

頤 大澤治牧南敗牧牂長伯為我多得馬牛利於徒居

大過 枯樹無枝與子分離飢寒莫養獨立哀悲

坎 天地九重堯舜治中正冠衣裳宇宙平康

離 見鷺遊涇君子以寧復德不愆福祿來成

咸 裸程逐狐為人所笑牝雞司晨主作亂根

恒 典冊法言藏在蘭臺雖遭禍潰獨不遇災大過坤之大畜

三癡且狂欲之平鄉迷惑失道不知昏明

大壯 癯瘠湯疹為身瘡患疾病癘疴常不危殆

晉 三豕俱走聞於谷口白豕不勝死於坂下

明夷 賴主之光受德之佑雖造顛沛獨不凶咎

家人 上義崇德以建大福吉立誥旦周武功立

睽 四亂不安東西為恨身止無功不出國城乃得完全賴其

生福

蹇 金牙鐵齒西王母子無有患殆涉道大利小畜之大有

解 賀喜從福日利蕃息歡樂有得

損 昊天白日照臨我國萬民康寧咸賴受福

益 左眇右盲視暗不明下民多孽君失其常

夬 吾有黍梁委積道傍有架服箱運到我鄉藏於嘉倉

姤 殊類異路心不相慕牝豕無猴鰥居室家  
萃 雀行求食出門見鷓顛蹶上下幾無所處  
升 野有積庾穡人駕取不逢狼虎暮歸其宇  
困 膚斂之德發憤忘食虜豹禽豹禽說為王求福脚之  
井 光禮春成陳項雞鳴陽明失道不能自守消亡為咎  
革 左抱金玉右得熊足常盈不亡獲心所欲  
鼎 履泥汗足名困身辱兩仇相得身其為虐  
震 安居重遷不去其塵禾米相聞樂得常產  
艮 天災所遊凶不可居轉徙獲福留上憂危  
漸 昧昧默默不知白日景雲亂擾光明隱伏幽王失國  
歸妹 鳧雁啞啞以水為宅雌雄相和常共娛樂得共所欲大  
豐 長生無極子孫千億栢柱再梁堅固不傾

旅 麒麟鳳凰善政得祥陰陽和調國無災殃  
巽 天之奧隅堯舜所居可以存身保我家室  
兌 配合相迎利之四鄉昏以為期與偏喜笑  
渙 砥德礪材果當成周拜受大命封為齊侯  
節 與福俱坐蓄水備火終無災禍  
中孚 晨昏潛處候時煦煦卒逢白口為世榮主  
小過 視日再光與天相望長生懼悅與福為兄  
既濟 大頭明目再受喜福二雀飛來與祿相觸  
未濟 梗生荆山命屬輸班袍衣剥脫夏熱冬寒立成枯槁眾人  
莫憐

謙之第十三

謙 王喬無病狗頭不痛亡破失履之我送從

乾 嚙嚙嚙曜昧真相持多言少實語無成事

坤 北辰紫宮衣冠立中含和達德常受大福鈔刀攻玉堅不可得

屯 東壁餘光數暗不明王母嫉妬亂我事業

蒙 下背其上資明其讓子嬰兩頭陳破其墟

需 鳳生會稽稍具能飛翱翔桂林為衆鳥雄

訟 鑿非求玉非和氏實名困身辰勞無所得一作師

比 邦傑載復送至東萊百僚具與平君王嘉喜一作

小畜 江河淮海天之都市商人受三國富富有

履 同木異葉樂仁上德東林慕我來與吾國

泰 白鶴銜珠夜室反明懷我德身身受光榮

踐履允難脫厄去患入臨門見吾姊君

同人 官商既和聲音相隨驪駒在門王君以歡

大有 天地配享六位光明陰陽順序以成厥功

豫 江河淮海天之奧府衆利所聚可以饒有樂我君子悟之

隨 雙鳥並飛欲歸稻池徑涉藿澤為矢所射傷我胸臆此

歌

蠱 伯仲叔季日暮寢寐裸跣失明喪我貝囊術卸道傍

臨 受終文祖承衰復起以義自息困雖苦無咎

觀 旋斗運樞順天無憂與樂並供益之

噬嗑 周師伐紂戰於牧野甲子平旦天下悅喜

賁 十堆百雜常與母俱抱難搏虎誰敢害者

剝 桀跖並處人民秋古擁兵荷根戰於齊魯

復 南山昊天刺政閔身侯悲無辜皆憎為仇  
无妄 百川朝海流行不止道雖遠逐無不到者  
大畜 目不可合憂來搖足悚惕危懼去其邦域  
頤 鳥升鶴舉照臨東海龍降庭堅為陶叔後封於蓼丘福履  
綏厚

天過 北方多棗橘抽所聚荷囊載食盈我筐篚

坎 懸貆素餐食非其仕失望志心氏實勞我心

離 羔羊皮革君子朝服輔政扶德以合其異國

咸 齊魯爭言戰於龍門構怨致禍三歲不安坤之體以

憤 久陰霖雨塗行泥濘商人休市空無有

遯 桃鳩竊脂來於小枝搖動不安為風所吹寒心悚慄常憂

殆危

大壯 防患備災凶禍不來雖困無災

晉 引頸絕糧與毋異門不見所懼孰與其言

明夷 鱗蝦去海藏於枯里街巷偏隘不得自在南北無極渴饑

成疾

家人 恭寬信敏功加四海辟去不祥喜來從毋

睽 歲飢無年雲政害民乾溪驪山秦楚結怨

蹇 右目無瞳偏視寡明十步之外不知何公

解 蝸蟾歡喜草木嘉茂百菓蕃熾日益安有

損 常德自如安坐無尤幸入貴鄉到老安榮絕一作無

益 狡兔趨趨犬良逐咋雄雉受害為鷹所獲

夬 春桃生花季女宜家受福多年男為封君

姤 山石朽弊稍崩墮落下上離心君失其崇

萃 水壞我里東流為海龜鳧謹謹不睹我家

升 十竅龍身造化八元法天則地順時施行富貴長存

困 四夷慕德來興我因文君降陟合受其德

井 華首山頭仙道所遊利以居止長無咎憂

革 鸛鳩徒來西至平州遭逢雷電損我葦蘆家室飢寒思吾

故初

鼎 狗無前足陰雄叛北為身害賊

震 陽孤亢極多所恨惑車傾蓋亡身常驚惶乃得其願雌雄

相存乾之

艮 空槽住猪豚疑不至張弓祝雞雄父飛去

漸 長夜短日陰為陽賊萬物空枯藏於北陸

歸妹 瓜牙之士怨毒祈父轉憂與已傷不及毋

豐 拜跪請鬼不德臭腐俛首街指不得非去

旅 有莘季女為王妃后貴夫壽子毋字四海

巽 季姜躊躇待孟城隅終日至旦不見齊侯

兌 邯鄲及言父兄生患涉此憂恨卒死不還

渙 逐鹿山巔利去我西維邪南北所求不得

節 穿鼻繫珠為虎所拘王母祝福禍不成災突然自來

中孚 虎豹熊皮遊戲山谷君子仁賢亦得所欲

小過 梅李冬實國多盜賊擾亂並作王不得制

既濟 望幸不到文車未就羊子逐兔犬踣不得

未濟 千柱百梁終不傾僵仁智輔聖周宗寧康

豫之第十六

豫 水將泮散鳴雁雍雍丁男長女可以會同生育賢人

乾 龍馬上山絕無水泉喉焦唇乾口不能言

坤 蔡侯朝楚留連江濱踰時歷月思其后君

屯 文厄姜里湯囚夏臺仁聖不害數困何憂免於縲紲爲世

明侯

蒙 典冊法書藏閣蘭臺雖遭亂潰獨不遇災

需 羶表羶國文禮不飭跨馬控弦伐我都邑

訟 星隕如兩力弱無輔強陰制陽不得安土

師 蝗齧我稻驅不我去實德無有但見空橐

比 虎飢欲食爲螾所伏禹導龍門避咎除患元醜以安

小畜 蝙蝠夜藏不敢晝行酒爲酸漿魴晁鮑羹

履 精華墜落形俺醜惡齧齒挫頓枯槁腐蠹

泰 兩足不獲難以遠行疾步不能後倡失時

否 令妻壽母宜家無咎君子之歡得以長久

同人 飢蚕作室繙多亂纏緒不可得

大有 子鈕執麟春秋作元陰聖得終尼父悲心

謙 螟虫爲賊害我稼穡盡禾殫麥秋無所得

隨 憂在腹內山崩爲疾禍起蕭牆竟制其國

蠱 茹芝餌黃飲食玉瑛神與流通長無憂凶

臨 一夫兩心技刺不深所爲無功求事不成

觀 十里望烟散渙四方形容滅亡終不見君

噬嗑 張弓控弩經涉山道雖有伏虎誰敢害者

賁 泉閉澤竭主母飢渴君子困窮乃徐有說

剝 野猿山鵲奕碁六搏三梟四散主人勝客

復 羊驚馬走上下揮擾鼓音不絕項公奔敗

无妄黃帝神明八子聖聰俱受大福天下平康

大畜任馬醞酒疾風暴起泛亂福噐飛揚位卓明神降佑道無

害寇

頤 騰蛇乘龍宋鄭飢凶民食草蓬

大過揚水潛鑿使石潔白衣素表朱遊戲臯澤得君所欲心志

娛樂

坎 西過虎盧驚我前驅雖憂無危

離 衣成無開不知所穿客指東西未得使安

咸 晨風文翰隨時就温雌雄相和不憂殆危

恒 心多悔恨出言為怪梟鳴室北聲醜可惡請謁不得

遯 離女去夫閔思苦憂齊子無良使我心悲

天壯過時不歸雌雄苦悲徘徊外國與叔分離

平 鵲巢柳樹鳩奪其處任力德薄人命不佑

明夷鶴盜我珠逃於東都鵠怒追求郭氏之墟不見踪跡使伯

心憂

家人夫婦相背和氣弗處陰陽俱否莊妻無子

睽 月走日步趣不同舍妻夫反目王君失居

蹇 洛陽嫁女善逐人走三寡失夫婦妬無子

解 周德既成杆軸不傾大宰東西夏國康寧

損 日中為市交易資寶名利所有心悅以喜

益 僮妾獨宿長女未室利無所得

夬 忠言輔成王政不傾公刘兆基文武綏之

姤 牛驥同堂郭氏以亡國破為墟王君奔走

萃 中原有菽以待雉食欲御諸友所求大得

升 多虛少實語不可知尊空無酒飛言如雨

困 青蠅集蕃君信讒言害賢傷忠患生嬖人

非 履株復輿馬驚傷車步為我憂

革 商風召寇呼我北盜間諜內應與我爭鬪殫已寶藏王人

不勝

鼎 逸豫好遊不安其家或有少姬又迷不來

震 吾有驩駟畜之以時東家翁孺來詣我車價極可與後無

賊悔

艮 厄窮上通與堯相逢登升大麓國無凶人

漸 衆鬼俱走雄羆在後騎不能進失信寡處

歸妹 旁行不遠三思復返心多畏患口中止舍

豐 倉皇奉使中山以孝文侯悅立繫于徵召

旅 入天門守城戶君安樂不勞苦文山蹲鴟肥膺多脂玉

獲願載福魏魏

巽 登堦上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞有面無頭耗滅寡虛日以削消

節 景星照堂麟遊鳳翔仁施大行頌聲並興

中孚 干旄旌旗執幟在郊雖有寶珠無路致之歸妹之隨 履之損

小過 李花再實鴻卯降集仁德以興陰國受福小畜之離 師之訟

既濟 白鳥赤鳥戰於東都敗悔為憂

未濟 採薪得麟大命頽顛豪雄爭名天下四分坤之

隨之第十七

隨 鳥鳴東西迎其群侶似有所屬不得自專空返獨還

井是官清

乃木上

四七

乾 鼻自易處不知香臭君迷於事失其寵位

坤 唐虞相輔鳥獸喜舞安康無事國家富有

屯 左輔右弼金玉滿匱常盈不亡富如敖倉師之歸妹 蒙之坤

蒙 東龍見獨與石相觸摧折兩角

需 釣日厭部善逐人走來嫁無夫不安其廬

訟 逐兔驅狼避去不祥凶惡北行與善相逢

師 賁且贖狸不聽我辭繫於虎鬚牽不得來需之睽同人 之否否之革

比 同載共輿中道別去喪我元夫獨與孤居比之

小畜 奮翅鼓翼將之嘉國愆期失時乃得所欲

履 目傾心惑夏姬在側申公顛倒巫臣亂國

泰 搏鳩彈鵲獵兔山北九盡日暮失獲無得

否 鹿求其子虎廬之里唐伯季耳貪不我許

同人 敗魚鮑室臭不可息上山履塗歸傷我足

大有 花燈百枝消暗衰微精光訖盡奄有灰靡

謙 顏叔子夏遊遨仁宇溫良受福不失其所

豫 梁柱堅固子孫蕃熾福喜盈積終無禍悔

蠱 邊鄙不寧民狎於野嗇人成功年歲大有

臨 蝸池嗚呵呼我水潦雲雨大會流成河海

觀 志合意同姬姜相從嘉偶在門夫子悅喜

噬嗑 白馬駟駁更生不休富有商人利得如丘

賁 大似夏禹經啓九道各有攸處民得安所

剝 甲戌巳庚隨時轉行不失其心唐季發憤擒滅子嬰

復 穆遠百里使明厲武將帥襲戰敗於殺石

无妄 茹如本居與類相接願慕群旅不離其巢

大畜伯仲叔季口暮寢寐坐卧失明喪其貝囊

頤亡羊捕牢張氏失牛駢駟奔走鵠盜我魚姤之

大過雀目燕頰畏昏無光思我狡童不見子克

坎入和出明動作有光運轉休息常樂允康

離不勝私情以利自嬰址室出孤毀其良家

咸稱幸上靈媚悅於神受福重重子孫蕃功

恒齊姜叔子天命在位實沉參墟封為康侯

遯遨遊無患出入安全長受其懽君子萬年

大壯被服文德升入大麓四門雍肅登受大福慈烏鳴鳩執一

無尤寢門內治君子悅喜

晉負金懷玉南歸嘉國蜂蠆不螫利入我室蠆音邁

明夷日在阜顏嚮昧為昏小人成群君子傷倫

家人水火父母先來鳴响澤高之上從高而處

睽東隣少女為王長婦柔順利貞宜夫壽子

蹇戴餅望天不見星辰願小失大福迹於外頤齶

解王喬無病狗頭不痛亡跛失履乏我徒從

損使燕築室身無死宿家不容車後我衣服

益威權分離烏夜徘徊爭蔽月光大人誅傷家人之无妄

夬辯變白黑巧言亂國大人失福君子迷惑

姤衣鋸甲鎧散筐為具大人不顧少嬖不取弃捐於道

萃萋雀街泥以生孚乳兄弟六人交好孝悌得心歡欣和悅

相樂小畜之兌

升登几上輿駕驅南遊合從散衡燕秦以強

困黯黯許許仇禍相得水入炭室消亡不息辭辯

井 鳴鴉破斧邦人危殆賴其忠德轉禍為福傾危復立

革 載金販狗利弃我走藏匿淵渠悔折為咎

鼎 淵坑復平宇穴安寧憂患解除賴福長生

震 驪姬讒嬖與二孽謀譖我恭子賊害忠孝駕山喜而商伯

有害

艮 剗羊不當血少無羨女執空筐不得採桑

漸 牧羊移園聞虎喧嚷畏俱悚息終無禍患

歸妹 明德隱伏麟鳳遠匿周室傾側不知所息

豐 鄰不我顧而求賢于身多禿瀨誰肯媚者

旅 初雖無與後得載車賴逢福得離兵革

巽 水壞我里東流為海龜危懼噓不堵王毋

兌 兩心不同或欲西東明論終始莫適所從

漢 天帝懸車廢禮不朝擗服不制失寵其家

節 交川合浦遠濕難處水上不同思吾皇祖

中孚 勾踐之危棲於會稽太宰譏言越國復存

小過 慈烏鳴鳩執一無尤寢門內治君子悅喜隨之

既濟 富年早寡孤與獨居雞鳴犬吠無敢問者我生不遇獨罹

寒苦

未濟 江海變服淫緬無測高位顛崩寵祿反覆

蠱之第十八

蠱 紡生江淮一轉為百周流四浸無有難惡紡當

乾 首釋與目載受福慶我有好爵與喜相迎

坤 輶輶輶歲暮編敝寵名弃捐君襄在位

屯 折箬蔽日屏遮王日司馬無良平子沒傷

蒙 家在海隅繞旋深流王孫單行無妄以趨固陰邊寒常水  
不温後入墮胎大雹為害

需 執義秉德不危不殆延頸盤桓安其室垣屯耗未得終無  
大恤

訟 長舌亂國大斧破車陰陽不順姬姜衰憂

師 二人共路東趨西步千里之外不相知處

比 視暗不明雲蔽日光不見子都鄭人心傷

小畜 初夢後喜與福為市八佾列陳飲御嘉友

履 僮妾獨宿長女未室利無所得

泰 玄黃四塞陰雌伏謀呼為嚙室為巫所識

否 中歲摧階常恐衰微老復賴慶五殺為相

同人 伯氏殺牛行悖天時毫社夷燒朝歌丘墟

大有 日短夜長祿命不光早離父兄免見分張

謙 采唐沐鄉傲期桑中失心不會憂思忡忡

豫 昧視無光夜不見明冥抵空床李葉逃亡

隨 舉趾振翼南至嘉國見我伯姊與惠相得

臨 則天順時周流其墟與樂並居無有咎憂

觀 蠶室蜂戶螫我手足不可進取為我害咎

噬嗑 公孫駕驪載遊東齊延陵悅產遺季紵衣

賁 轉作驪山大失元心劉季發怒命滅子嬰

剝 羊腸九縈相推稍前止須王孫乃得上天

復 蝶螻充側佞人傾惑女謁橫行正道雍塞

無妄 福祿不遂家多怪崇麋鹿悲吟思其大雄

大畜 雲雷因積大雨重疊久不見日使我心悵

願 三河俱合水怒踴躍壞我王室民因無食  
大過 且雨夜行早遍都城更相覆傾終無所成三頭兩眼不見

其貞

坎 褒后生蛇經老育微側跌哀公酒減黃離

離 鴻雁南飛隨陽休息轉送天和千里不哀

咸 後時失利不得所欲

恒 心多恨悔出言為怪鼻鳴室北聲醜可惡請謁不得

遯 四馬過隙時難并得尼父孔聖繫而不食

大壯 陰變為陽女化為男治道得通君臣相承

晉 崑崙源口流行不止鯨伊砥柱民不安處毋婦歸挾子前席

悅喜

明夷 背曩蒙棘不得實讒佞亂政使恩雍塞

家人 公無長詢天王駁馬非其所當傷折為患

睽 大倉充盈萬物蕃成年歲熟榮

蹇 執簧炤犧為風所吹火滅無光不見玄黃

解 鳥反故巢歸其室家心平意正與叔相鳴登高殞墜失其

寵貴

損 弩弛弓藏良犬不烹內無怨女征夫在堂

益 牡犧孔博日新其德文君出獵姜氏受福

夬 秋季孟冬寒露霜降大陰在庭庶物不生雞鳴犬吠家憂

數驚

姤 心多恨悔出門見怪反蛇三足醜聲可惡媼毋為媒請求

不得

萃 虎豹爭強道閉不通小人懼訟貪天之功

升 雞方啄粟為狐所逐走不得食惶怖惕息

困 陳媯敬仲兆興齊姜乃適營丘八世大昌

井 昊天白日照臨我國萬民康寧咸賴喜福

革 雲夢大藪索有所在虞人共職驪駒樂喜

鼎 獐鹿雞兔羣聚東國蘆黃白春似往追逐九辯十得主君  
有喜

震 德惠孔明主君復章保其室堂

艮 天之所壞不可強支眾口嘈嘈雖貴必危

漸 天之與隅堯舜所居可以全身保我邦家

歸妹 下泉苞稂十年九王荀伯遇時憂念周京執无

豐 江淮海隅眾利聚居可以遨遊卒歲無憂

旅 南山黃竹三身六日出入制命東皇宣政主尊君安鄭國

無患

巽 重譯置之來除我憂喜樂俱居

允 南山高崗麟鳳室堂舍和履中國無災殃

渙 紫芝朱草生長和氣公尸侑食福祿來下

節 宮成室就進樂相舞英俊在堂福祿光明

何咎

中孚 商之子孫資無所食貪目逐狐留連都市還轅內鄉嘉喜

不過 執贄入朝獻其狐裘元戎燮安沙漠以懼

既濟 湧泉汨汨南流不絕滂為淮海敗壞邑里家無所處

臨之第十九

臨 弱水之西有西王母生不知老與天相保行者危意利居

善喜

乾 黃瓊生母白成爲母晉師在郊虞公出走

坤 倉皇奉使中山以孝文侯悅喜繫子徵召

屯 機關不便不能出言精誠不通爲人所究

蒙 白茅醴酒靈巫拜禱神嗜飲食使君壽考

需 重瞳四乳目聰耳明普仁表聖爲作元輔

訟 水漲無船破城壞堤大夫從役一朝無殞不見少妻

師 六人俱行各遺其囊鴻鵠失珠無以爲明

比 隨時轉行不失其常各樂厥類身無咎殃

小畜 蔡女蕩舟爲國患憂衰后在側屏蔽王日早衰六畜

履 駕龍騎虎周遍天下爲神人使西見王毋不憂危殆

泰 胥恐之天盡策闔閭鞭平服荆除大咎殃威震敵國還受

上卿

否 唐邑之廬晉人以居虞叔受福寔況是國世載其樂

同人 管鮑相知至德不離三言於桓齊國以安

大有 三十無室長女獨宿心勞未得憂在胸臆

謙 散渙水長風吹我鄉火滅無光曠敗桓功

豫 蜎飛躡動各有配偶小大相保咸得其所

隨 安樂几筵未出玉門

蠱 大生災禍下土恩塞祗亂我國

觀 長生無極子孫千億栢在載青堅固不傾

噬嗑 欽敬昊天曆象星辰宜受民時陰陽和調

賁 三河俱合水怒踴躍壞我王室民困於食

剝 壽如松喬與日月俱常安康樂不離禍憂

復 天之所予福祿常在不憂危殆

无妄受讖六符招搖室虛雖跌無憂保我命則

大畜賈金買車失道後時勞罷為憂

頤 華首山頭仙道所遊利於居止長无咎憂

大過采唐沫鄉微期桑中失信不會憂思絢帶

坎 人面九口長舌為斧斲破珊瑚璉殷商絕後

離 臨溪橋渡雖恐不危樂以笑歌

咸 泱泱沸溢水泉為害使我無賴

恒 蝗螟為賊害我稼穡秋飢於年農夫鮮食

遯 六百諸侯不期同時慕西文德興我宗族家門雍睦

大壯長男少女相向笑語來歡致福和悅樂喜

晉 平國不君夏氏作亂烏號竊發靈公殒命

可矣春多膏澤夏潤優渥稼穡成熟畝獲百斛

家人客宿卧寒席幕不安行為危害留不得款

睽 乘槎浮海雖懼不殆毋載其子終焉何咎

蹇 手拙不便不能伐檀車無軸轅行者苦難

解 唐虞相輔鳥獸率舞民安無事國家富有

損 秋蛇向穴不失其節夫人姜氏自齊復入

益 病篤難醫和不能治命終未訖下即蒿廬

夬 青蛉如雲城邑閑門國君衛守民困於患

姤 牙孽生齒室堂啓戶出入利真鼓翼起舞

萃 鳧游江海役行千里以為死亡復見空桑長生樂鄉

升 黃帝出遊駕龍乘鳳東上太山南遊齊魯邦國咸喜

困 履危不止與鬼相視驚恐失氣如騎虎尾

井 秋南春北不失消息涉和履中時無陰匿  
革 龍門砥柱通利水道百川順流民安其居  
鼎 千歲廟堂棟橈傾僵天厭周德失其寵光  
震 折箬蔽目不見稚叔五足孤鳥遠離室家  
艮 望叔山北陵隔我目不見所得使我心惑  
漸 飽齋之息一畝十室萬國都邑北門有福  
歸妹 域域牧牧憂和相伴隔我巖山室家分散  
豐 麒麟駟耳遊食萍草逍遙石門循山上下  
旅 天所祚昌文以爲良篤生武王姬受其福  
巽 羊腸九縈相推稍前止須王孫乃能上天  
兌 貧鬼守門日破我盆孤牝不駒雞不成雛  
渙 飽食從容入門上堂不失其常家無咎殃

節 陰淫不止白馬爲海澤旱之子就高而處  
中孚 執戈俱立以備暴急千人舉龍困危得海終安何畏  
小過 夾河爲婚水漲無船追心失望不見歡君  
既濟 陰陽變化各得其宜上下順通奏爲膚功  
未濟 狂劣德薄失其臣妾田不見禽大無所得

國

字法

卷二

三

